

adultera; ergo et ipsi erant adulteri secundam accipientes.

Confirm. 1. Quia superinductæ uxores earum plurimæ in Scriptura vocantur concubinæ.

2. Quia S. Ambros. lib. I de Abraham concedere videtur, eum ducendo Agar commisso adulterium, sed hoc peccatum tunc nondum fuisse prohibitum.

3. Quia de prætensa ista dispensatione, facta Abrahamo et alii, non constat.

4. Quia alias dispensatum fuisse videretur cum gentilibus, quod non appetit dicendum, cum dispensatio illa respectu eorum etiamnun duraret.

R. Neg. seq. maj., quia licet polygamia modo supra dicto juri naturæ repugnet, fuit tamen in ea improprie dispensatum, nec proinde antiquis patribus fuit nude permitta: quia sic accipiendo secundam uxorēm, fuissem revera adulteri. Porro hoc dici non potest, quia insignes illi amici Dei desuper saltem egissent pœnitentiam, quod tamen non fecerunt: nam si peccasset accipiendo plures, egissentque pœnitentiam, superinductas ejicere debuissent, et tamen in finem ipsas retinuerunt.

Ad confirm. 1 dico, quod saepe in Scriptura legitimæ uxores vocantur concubinæ, quia non erant primariæ, nec familiae administrationi se immiscere poterant; sed tantum secundariae, et ad solum conubitum jus habebant. Erant tamen legitimæ uxores, tum quia earum filii cum aliis non primogenitis paternam hæreditatem dividebant, ut putant multi: tum maxime, quia de Sara hic y. 50 legimus: *Dedit eam (Agar scilicet ancillam suam) viro suo uxorem: ergo et secundariae in Scriptura vocantur uxores.*

Ad 2 dicendum, quod S. Ambros. id magis ex aliena sententia, quam ex propria dixerit; cum adducat explicationem aliam, qua excusat Abramum a peccato ob rei postmodum gerendæ mysterium (ipsi utique notum) quod exprimitur ad Galat. IV, 22.

Ad 3 dico, de facta ista dispensatione satis constare a posteriori: quia injuriosum est de sanctis istis patriarchis dicere, vel quod ignoraverint polygamiam sibi non licitam, vel, si noverint illam revera sibi fuisse illicitam, quod eam practicaverint, nec de damnabili praxi unquam fuerint admoniti, vel egerint pœnitentiam. Sicut ergo in initio mundi Deus inspiravit Adamo, quod ex primæva institutione matrimonii *unus unicæ adhædere deberet*; ita et Abramo inspiravit ad tempus in ea lege esse dispensatum: cuius (utpote viri sanctissimi et Deo gratissimi) exemplum sufficere potuit, ut factam dispensationem agnoscerent ceteri.

Quidquid sit, dispensatum fuisse cum antiquis Patribus in hac materia, asserit cap. *Gaudemus de divortiis*: postea autem id abiit in morem, Deut. XXI approbatum et confirmatum, tandemque facta est aliqualis abrogatio Legis, ait S. Thomas.

Ad 4 igitur dico, quod etiam Gentiles istis temporibus licet plures duxerint uxores: neque enim alias Esther nupsisset Assuero, etc.; posita tamen revocatione Christi, secunda infidelium matrimonia deinceps

fuere invalida; licet aliqui ex ignorantia invincibili a peccato formaliter potuerint excusari.

CAPUT XVII.

Deus mutato nomine Abrœ, novum cum illo fœdus init, pactique signum instituit, circumcisionem; nomine quoque Sara mutato, ex illa promittit ei filium Isaac: circumcisionis præceptum in se suisque exequitur Abraham.

QUESTIO I. — QUANDONAM, ET IN QUEM FINEM INSTITUTA SIT CIRCUMCISIO.

Resp. et dico 1. Manifestum est ex textu hic y. 10 et seq. quod circumcisionis a Deo fuerit instituta, et primo omnium Abrahemo pro se suisque posteris specialiter a Deo electis (adeoque per lineam Isaa et Jacob descendantibus) sub gravi pena præscripta. *Hoc est pactum meum (inquit Dominus) quod observabitis inter me et vos, et semen tuum post te. Circumcidetur ex vobis omne masculinum. Et circumcidetis carnem præputii vestri, ut sit in signum fœderis inter me et vos.... masculus cuius præputii caro circumcisæ non fuerit, delebitur anima illa de populo suo, quia pactum meum irritum fecit.* Item y. 13. *Eritque pactum meum in carne vestra in fœdus æternum.* Denique et y. 21. *Pactum vero meum statuum ad Isaac, quem pariet tibi Sara tempore isto in anno altero.*

Porro nisi tunc fuerit a Deo primum instituta circumcisionis, non potuit dici signum speciale divinae electionis, distinctivum populi Dei, representativum fœderis inter Deum et Abrahamitas, etc.; ergo praxis circumcidendi tunc sumpsit exordium. Sententia haec est S. P. Aug. lib. XVI de Civ. Dei, cap. XXVI, S. Chrysost. Hom. 59 in hunc locum, Irenæi lib. IV, cap. XXX, S. Justini Mart. in Dial. cum Tryphone: aliisque Ecclesiæ patres et doctores in hac ipsis consentiunt.

Videtur autem institutæ circumcisionis hic fuisse processus. Primus omnium eam a Deo accepit Abraham: ab Abraham autem Isaac, Ismael, et filii Cethuræ: ab Isaac Jacob et Esau; horum primus eamdem propagavit in posteros suos Israelitas, secundus vero in Edomitas seu Idumæos. Ab Ismael vero filio Agar eamdem accepérunt Arabes et Aethiopes; ab his vero Saraceni et Turci. Denique per Cethuræ filios in variis nationes ex illis exortas, successive propagata est.

Quia vero semen Israel peregrinum fuit in Egypto, plausibiliter sustineri potest, quod circumcidendi ritus Egyptii aliqui assumere incœperint sub Josepho, ut potentissimo pro regi suo placerent, a quibus ad varios alienigenas pervenit.

Obj. I. Josue V circumcisio omnibus qui pati fuerint in deserto, y. 9: *Dixit Dominus ad Josue: Hodie abstuli opprobrium Egypti a vobis.* Atqui illud opprobrium consistebat in eo, quod Egyptii probrosos et infames existimarent incircumcisos Judæos; ergo signum est, quod circumcisionis in estimatione fuerit

Ægyptiis, antequam esset Hebræis. Ita ratiocinatur Marshamus.

R. Neg. min. Quia explicante Theodoreto Q. 4 in Josue, opprobrium illud erat servitus Ægyptiaca, qua isto tempore plene liberati fuerunt, et auctore Deo, cessanteque assidua peregrinatione, quæ circumcisionem per 40 annos impediverat, eamdem réasumpserunt.

Quin imo, si circumcisionem tanto honore duxissent Ægyptii, Deus præcipiendo ipsis eamdem, illos potius Ægyptiorum opprobrio subjecisset, quam illud ipsum ab ipsis abstulisset. Quid enim majus opprobrium esse potest populo Dei, quam alienis ritibus a Deo non institutis invitum subjici?

Obj. II. Illi primi habuerunt circumcisionem, qui inter circumcisos primum in Scriptura locum obtinent; atqui illi videntur Ægypti esse; ergo.

Prob. min. Quia Jeremiæ IX, 25 et 26, dicit Dominus: *Visitabo super omnem qui circumcisionem habet præputium, super Ægyptum et super Juda, et super Edom et super filios Ammon, et super Moab, et super omnes qui atlensi sunt in comam, habitantes in deserto.* Ergo Ægyptii inter circumcisos primum in Scriptura locum obtinent.

R. Neg. min. Et ad prob. distinguo conseq. Ergo Ægyptii inter circumcisos (quales erant tempore Jeremiæ) primum locum obtinent, quia propter duritiam cordis durius erant cæteris puniendi; concedo: quia circumcisionem primi omnium admirerant; nego conseq. Fuerunt ergo Ægyptii inter circumcisos primi in Scriptura nominati ordine futuræ castigationis, non autem ordine assumpte circumcisionis.

Dico igitur, quod propheta nihil aliud velit, nisi quod non prosit circumcisionis carnis sine circumcisione cordis; adeoque quod Deus omnes visitatus sit seu puniturus, quia, ut subditur, *omnes gentes præputium habent* (hoc est incircumscisi sunt carne et corde), *omnis autem Domus Israel incircumscisi sunt corde.*

Dictum est, quod Ægyptii tempore Jeremiæ essent circumcisi; quia circumcisionis inter illos saltem non tam frequens fuit in nativitate Moysis: cum enim filia Pharaonis aspexisset parvulum Exod. II, 6, dixit: *de infantibus Hebræorum est.* Id autem juxta Theod. ex circumcisione Moysis carne conjectit. Porro hoc ex eo conjicere non potuisset, si illo tempore tam frequens inter Ægyptios circumcidendi praxis fuisse.

Obj. III. Joan. VII, 22, dicit Christus Israelitis: *Moyses dedit vobis circumcisionem.* Ergo saltem eam non accepérunt ab Abraham, Isaac, etc.

R. Disting. conseq. Ergo eam non accepérunt ab Abraham, etc., verbo seu mandato scripto; transeat: mandato saltē tradito; nego conseq. tum quia illud clarissime hic exprimitur, tum quia loco objecto subdit Christus: *non quia ex Moyse est, sed ex Patribus,* qui revera fuerunt Abraham, Isaac, etc., non vero Ægyptii.

Obj. IV. Herodotus lib. II, cap. CIV, ut contendit Marshamus, ita scribit: *Soli omnium hominum Colchi, et Ægyptii, et Aethiopes ab initio statim pudenda cir-*

cumcidunt: nam et Phœnices et Syri, qui sunt in Palestina, didicisse id ab Ægyptiis et ipsi confidentur. Simile quid asserit Diodorus Siculus lib. I, pag. 47: idem quoque olim tenuit Celsus, etc.

R. Auctoritatem illorum Auctorum in hoc puncto nullius esse momenti, tum quia clarissimis Scripturae textibus repugnat, tum quia refutantur ab Origene, Josepho, Eusebio, aliisque historicis rerum judaicarum peritoribus. Hæc itaque releganda sunt ad reliquias fabulas, quas ad gentis sue auctoritatem et commendationem ambitiosi Ægyptii finxerunt.

Obj. V. Videtur Deo indignum, quod singularis benevolentiae sua signum in membro pudendo figere voluisset.

R. Neg. assumpt.; Præterquam enim, quod apud infinitam Dei sapientiam stet pro ratione voluntas, varias tamen rationes allegant Auctores; puta, quia mediante eo membro peragitur generatio carnalis, et transfunditur peccatum originale, quod tunc per circumcisionem, tamquam per conditionem *sine qua non*, remittetur; item quia in isto membro inobediens Adam primo sensit carnis sue rebellionem, quæ etiam in renatis remanet ad agonem, etc.

Dico 2. Finis vel ratio, propter quam instituta fuit circumcisionis, indicatur y. 11, ubi dicitur: *Ut sit in signum fœderis inter me et vos.* 1. Itaque erat signum pacti inter Deum et Abraham, ejusque posteros initi, quo admonerentur se esse populum Dei; et sicut circumcisione a gentibus distinctum, ita et divino cultui principaliter mancipatum, quo etiam Deus ostenderet se esse eorum Deum et protectorem.

2. Erat signum representativum fidei Abraham, et justitiae per eam acceptæ, ut ait Apost. ad Rom. IV.

3. Erat signum purgativum originalis peccati, et prefigurativum Baptismi. Allegorice circumcisionis typus fuit pœnitentia, qua circumciditur et remittitur peccatum. Tropologice significat mortificationem luxuriae, seu carnalium voluptatum; anagogice significat perfectissimam circumcisionem omnis mortalitatis per resurrectionem.

Petes. cur y. 12 differatur circumcisionis infants in octavum diem.

R. Quia ante illum diem infans nimis tener est: si tamen ante octavum diem vitæ periculum adiret, poterat aequa, ac femina, salvari remedii et ritibus Legis naturæ. Poterat etiam justa de causa circumcisionis differri post octavum diem; ut dilata est in deserto per quadraginta annos ob continuam peregrinationem, Josue V, 6. Ita Theodoretus.

QUESTIO II. — QUO SENSI DICATUR y. 14: *Masculus, cuius præputii caro circumcisæ non fuerit, delebitur anima illa de populo suo: quia pactum meum irritum fecit.*

Resp. et dico: Verba hæc tripli modo exponi posse videntur, juxta triplex genus deletionis, seu mortis. 1. De morte civili, ut *deleri de populo* idem sit, ac non censeri membrum illius populi, seu proscripti de republica, ut sensus sit: *Masculus omnis,*

qui non fuerit circumcisus, non censembit amplius vester; neque privilegiis, dignitatibus, benedictionibus, ac hereditatibus vestris fruetur, neque ad officia publica aut emolumenta admittetur. Etenim cum circumcisio in eum finem instinta foret, ut per eam populus Dei in unam rempublicam coalesceret, et a ceteris gentibus distingueretur: dignum plane erat, ut quisquis circumcisionem rejiceret, non esset reipublicae per eam coalescentis membrum. Accedit quod in Scriptura aliquando haec phrasis: *Deleri vel perire de populo suo ita accipi debeat*; puta Num. XIX, ubi dicitur: *Qui tetigerit humanæ animæ morticinum, et aspersus hac commixtione (nempe aqua lustrationis, cum cineribus vacca rufa commissa) non fuerit, peribit ex Israel*. Et paulo post: *Si quis hoc ritu non fuerit expiatus, peribit anima illius de medio Ecclesiae*.

2. Exponi possunt de morte temporali vel violenta; ut deleri de populo idem sit, quod tolli de medio et occidi; ac proinde sensus sit: *Omnis masculus, qui non fuerit circumcisus, occidetur; nempe vel a iudice, si notum sit eum negligere circumcisionem, vel a me*. Haec expositio fundatur in idiotismo Scripturae, quæ phrasim illam *deleri de populo usurpat tamquam periphrasim mortis*. Sic Exod. XXXI, cum de eo, qui violat Sabbathum, dictum esset, *Qui polluerit illud, morte morietur*, statim quasi per expositionem subditur, *Qui fecerit in eo opus, peribit anima illius de populo*; tamquam si idem sit mori, et *perire de populo suo*.

3. Denique præcita verba etiam non incongrue de morte æterna exponi queunt; ita ut per *populum suum* significentur justi ejusdem generis et gentis, degentes in limbo, et *deleri de hoc populo* idem sit, quod non habere partem in sorte justorum, et Dei. Haec expositio pariter in Scriptura habet fundatum; nam sicuti *apponi ad populum suum* dicuntur viri justi, quando moriuntur (ut patet ex cap. XXV, 8), eo quod accedant animæ eorum ad cœtum Sanctorum, qui vere populus eorum dicuntur; ita *deleri de populo suo* dicuntur injusti, eo quod eorum animæ a cœtu Sanctorum separantur, et in infernum detrudentur. Verum quia contra hanc ultimam expositionem sese opponunt Cajetanus, Diodorus, Vasquez, aliqui recentiores, qui præfata Scriptura verba de solis adulstis intelligent: ideo eamdem hic corroborare ac stabilire conabimur. Itaque

Prob. I. Quia generali sententia hic dicitur perire masculus non circumcisus, sicut Joan. III dicitur non renatus ex aqua excludi a regno cœlorum; ita ut utroque significetur necessarium medium, sine quo salus obſideri nequit; ergo sicut in nova Lege omnis, sive adulstus, sive puer, excluditur a regno cœlorum, si non fuerit baptizatus, ita in antiqua Lege omnis masculus, sive adulstus, sive parvulus, peribat de populo, si non fuerat circumcisus.

Prob. II, ex S. P. Aug., qui hoc textu frequenter usus est ad probandum peccatum origine contra Pelagianos: ergo tempore Aug. videtur in Ecclesia quasi certum fuisse, quod illa verba etiam intelligan-

tur de parvulis: nam nisi id S. doctori satis exploratum fuisset, isto textu usus non fuisset contra hostes versutissimos, quibus, præsertim Julianus, ignotum non erat, quid de verbis præcitatibus sentirent Ecclesiæ doctores. Itaque juxta Aug. lib. XVI de Civ. Dei, cap. XXVII, sic intelligenda sunt haec divina (¶. 14 hujus cap.) tamquam dictum sit: *Qui non fuerit regeneratus, interibit anima illa de genere ejus, quia testamentum meum dissipavit, quando in Adam cum omnibus etiam ipse peccavit*. Item lib. III cont. Jul. cap. XVIII, probans peccatum originale, ita scribit: *Responde, si potes, cur ipse Isaac, nisi baptismatis Christi signo circumcisus octavo die fuisset, periisset anima illius de populo suo?* Explica, si potes, quo merito tanta pena plecteretur, nisi ab hac tanto sacramento liberaretur. Et post pauca: *Isaac quantum ad propria peccata, etiamsi ex adulteris nasceretur, innocens erat, quid meruerat, ut ANIMA EJUS DE POPULO SUO PERIRET, nisi circumcisio subveniret?* Et tandem respondet: *Quoniam ex ista in Adam generatione damnata nemo liberatur, nisi regeneretur in Christo, propterea signum ejusdem regenerationis Isaac nisi accepisset, periisset: nec immerito periisset; quia ex hac vita, quo per generationem damnata damnatus intraverat, sine signo regenerationis exiisset*.

Prob. III. Hic ¶. 14 anima omnis masculi, qui ex precepto Dei circumcidit debebat, dicitur perire de populo suo, casu quo circumcisus non fuerit: atque ¶. 12 non tantum adulstos, sed et infantes circumciditi præceperat Deus; ergo et hi peribant de populo Dei, si non circumcidarentur. Jam autem non poterant de populo Dei perire juxta primam et secundam expositionem, quandoquidem istam penam promerenti non essent; ergo restat ut perirent juxta expositionem tertiam: adeoque significatur, quod animæ incircumcisorum parvolorum separarentur a societate Sanctorum, quibus alioquin aggregatae vel appositæ fuissent. Unde S. P. Aug. ex poena, quam hic infantibus minatus est Deus, probans peccatum originale, lib. de Peccat. orig., cap. XXX, rursus ita scribit: *Quid enim mali quæso parvulus propria voluntate commisit, ut alio negligente, et eum non circumincidente, ipse damnetur damnatione tam severa, ut PEREAT ANIMA DE POPULO SUO? neque enim temporalis mortis terror incensus est (parvulus videlicet) cum de justis quando moriebantur, tunc potius diceretur: ET APPONITUS EST AD POPULUM SUUM, vel APPONITUS EST AD PATRES SUOS: quoniam deinceps homini nulla tentatio formidatur, quæ illum separat a populo suo, si populus ejus, ipse est populus Dei*. Eamdem sententiam etiam tradunt S. Ambros. lib. XVII in Lucam, S. Greg. lib. IV Moral. cap. III, Fulgent. lib. de Incarn. cap. XV, Bernardus Serm. 2 de Circumcis. et S. Th. 3 p. q. 70, a. 2 ad 4, et a. 3, ad 3.

SOLVUNTUR ARGUMENTA.— Obj. I, cum Vasquez in 1. 2. disput. 150, cap. II, S. P. Aug. secutus fuit versionem LXX, qui hic ¶. 12 ita habent: *Et incircumcisus masculus, cuius non circumcidetur caro præputii in die octavo, peribit anima illius de populo suo*.

Atqui haec verba: *In die octavo* videntur esse inserta ab aliquibus Græcis; siquidem hec in codicibus hebreis, nec in paraphrasi chaldaica, nec in Vulgata nostra habentur: ergo non est mirum, quod S. P. secutus codices mendosos, hunc locum expositerit de parvulis, ac dixerit Deum minari penam masculis octavo die nativitatis non circumcisus.

R. Neg. min.; nam etsi verba illa non habeantur in codicibus hebreis, etc., ¶. 14; tamen immediate ante habentur ¶. 12, ubi dicitur: *Infans octo dierum circumcidetur in vobis*. Deinde insertis quibusdam, ad quos lex circumcisionis etiam declaratur spectare, statim ¶. 14 generali sententia in omnes non circumcisos poena subiungitur: *masculus ejus*, etc. Ergo etiam inherendo textui Hebreo et Vulgatae nostræ, parvuli non circumcisi peribant de populo Dei; adeoque præfatum locum de illis recte exposuit S. Pater.

Cum igitur verba illa: *octavo die*, in textu hebreo et Vulgata nostra ¶. 14 subintelligantur, non mirum est quod ea repetierint et expresserint LXX: unde et apud Hebreos semper observatum fuit, ut pueri octavo die circumcidarentur; sicut patet ex circumcisione Isaac infra cap. XXI, Joan. Bapt. Lucæ I, et Domini nostri Lucæ II. Et sane, si propterea textus LXX reputandus sit mendosus, quia repetit ¶. 14 *die*, quod in hebreo non habetur, etiam, ut cetera faciat, mendosus erit textus de habitatione filiorum Israel in Ægypto, Exodi XII, 40, quia ibi aliqua, in textu hebreo et Vulgata nostra omissa et subobscurata intellecta, non solum exprimit, sed potius addit, scilicet haec, quod 450 anni non tantum referantur ad habitationem filiorum Israel in Ægypto, sed etiam ad peregrinationem Patrum eorum in terra Chanaan.

Confirmatur solutio jam data: Juxta oppositæ sententiae patronos verba illa: *Quia pactum meum irritum fecit*, intelliguntur de pacto adhibendæ circumcisionis, quia de illo præcessit mentio ¶. 10: ergo etiam verba haec: *Masculus ejus præputii caro*, etc., intelliguntur de infantibus octo dierum, quia de his præcessit mentio ¶. 12.

Confirmatur ulterius hac similitudine: Supponatur quod Ecclesia ferat hanc legem: *Omnis fidelis communicabit tempore paschali, adolescentes quindecim annorum communicabunt: tam neophyti, quam in catholica religione educatus communicabit. Qui non communicaverit, ipso facto incidet in excommunicationem: ex hac lege certo sequeretur, quod etiam adolescentes quindecim annorum in excommunicationem incidenter, licet in communione poena de ipsis non sit facta expressa mentio: ergo similiter in nostro casu infantes non circumcisi peribant de populo, licet de illis hic ¶. 14 expressa mentio facta non fuerit.*

Inst. I. Adolescentes quindecim annorum, utpote jam usum rationis adepti, peccant contra legem Ecclesiæ; alii tamen infantes non infringebant pactum, quod de circumcisione cum Abraham statuit Deus; ergo, etc.

Prob. min., quia pactum hoc non est illud, quod Deus init cum Adamo de non comedendo de fructu vetito (uti docet S. P. supra cit.), sed est pactum quod hic init cum Abraham de adhibenda circumcisione; ut liquet ex ¶. 10, ubi dicitur: *Hoc est pactum meum, quod observabis inter me et vos, et semen tuum post te: circumcidetur ex vobis omne masculinum*. Jam veroclarum est, quod infantes illud pactum infringere non possent; ergo.

R. Neg. conseq., quia paritas, quam ponimus inter adolescentes quindecim annorum et infantes non circumcisis, in eo duntaxat consistit, quod sicut illi vi legis ecclesiastice incidenter in excommunicationem, quamvis non repeiceretur ad quindecim annorum, ita pariter hi vi legis divinae perirent de populo Dei, quamvis ad octavo die hic ¶. 14 expressum non foret.

Ad prob. autem dico, quod etsi S. P. per pactum, quod parvulus dissipavit, passim intelligat transgressionem in primo parente factam; tamen non neget, quin etiam intelligatur de pacto adhibendæ circumcisionis, propter cuius omissionem infantes puniebantur: sed tantum addit et docet, penam ideo statui violatæ legi circumcisionis, quia lex haec aliam priorem legem, ejusque violationem præsupponet, cuius remissio ita per circumcisionem impetrabatur, ut si ea non adhiberetur, infans puniretur. Circumcisionis enim neglectus tunc erat causa, eur infans periret, sicut jam est neglectus Baptismi: sed causa negativa: damnationis enim causa positiva est originales peccatum.

Quod autem haec sit mens S. P., liquet ex lib. XVI de Civ. Dei, cap. XVII, ubi postquam dixisset, quod verba ¶. 14 possint intelligi de dissipatione pacti in parvulus in excommunicationem, sed etiam ad peregrinationem Patrum eorum in terra Chanaan.

Confirmatur solutio jam data: Juxta oppositæ sententiae patronos verba illa: *Quia pactum meum irritum fecit*, intelliguntur de pacto adhibendæ circumcisionis, quia de illo præcessit mentio ¶. 10: ergo etiam verba haec: *Masculus ejus præputii caro*, etc., intelliguntur de infantibus octo dierum, quia de his præcessit mentio ¶. 12.

Neque haec expositio alicui nimis longe quæsita videri debet: siquidem eam fundari in textu hebreo ostendit noster P. Berti (lib. XXX de Theolog. Disciplinis, cap. III) ex eo quod neminem lateat, quin verbum hebreum irritum fecit, quod in conjugatione Kal activum est, si accipiat in conjugatione Hiphil, sensum reddat passivum, et idem sic. ac, in eo irritum fuit. Hoc supposito, quod nec difficitur A Lapide, sensus erit, ideo perire incircumscisi animam